

# Caldanelle

Ramentati quelli tempi passati à la Caldanelle  
C'eranu le maritate, c'eranu le viduvelle  
Mà tù, purtai lu vantù, o fiore di le zitelle...

T'arricordi quella sera ch'è no ghjucavamu à la fava  
Ma ci era la vichjarella chi mai ùn t'abbandonava  
Parchi li nostri sicreti, ella sempre induvinava...

A lu cuventu di Vicu, un ghjornu di primavera,  
Fecimu un spassighjata da meziornu fin'à sera...  
E tù mi ghjurasti in senu d'esse mi sempre sincera...  
E tù mi ghjurasti in senu d'esse mi sempre sincera...

Avanti di siparacci, fù d'accordu patuitu  
Di truvaci u lindumane à quellu parsicu fiuritu  
Tinisti la to prumessa, mà nùn fù esauditù...

Acilletti innamorati chi cantate in sta verdura,  
Pietà per li mio dulari, pietà per la mio sciagura  
Chi serà sempre cucente sin'à chi la vita dura...

O Alberu dillicatu, testimone di u nostru amore  
Vive eternu u to profumo è eterni li to fiori  
Chi a ciò quandu ti rimiru, cessanu li mio dulari...  
Chi a ciò quandu ti rimiru, cessanu li mio dulari...